

南齊書
梁書
陳書

安陸王子敬	晉安王子懋
隨郡王子隆	建安王子真
西陽王子明	南海王子罕
巴陵王子倫	邵陵王子貞
臨賀王子岳	西陽王子文
衡陽王子峻	南康王子琳
湘東王子建	南郡王子夏
列傳第二十二	南齊書四十一
張融	周顒
列傳第二十三	南齊書四十二
王晏	蕭詵
蕭坦之	江祐
列傳第二十四	南齊書四十三
江敦	何昌寓
謝瀹	王思遠
列傳第二十五	南齊書四十四
徐孝嗣	沈文季
列傳第二十六	南齊書四十五

宗室	
衡陽元王道度	
始安貞王道生	遙光 遙欣 遙昌
安陸昭王緬	
列傳第二十七	南齊書四十六
王秀之	王慈
蔡約	陸慧曉 顧憲之
蕭惠基	
列傳第二十八	南齊書四十七
王融	謝朓
列傳第二十九	南齊書四十八
袁彖	孔稚珪
劉繪	
列傳第三十	南齊書四十九
王奐	從弟續 張冲
列傳第三十一	南齊書五十
文二王	
巴陵王昭秀	桂陽王昭粲

明七王

巴陵隱王寶義 江夏王寶玄

廬陵王寶源 鄱陽王寶寅

邵陵王寶攸 晉熙王寶岳高

桂陽王寶貞

列傳第三十二 南齊書五十一

裴叔業 崔慧景

張欣泰

列傳第三十三 南齊書五十二

南齊書目錄

九

唐世榮

文學

丘靈鞠 檀超

卞彬 丘巨源

王智深 陸厥

崔慰祖 王琰之

祖沖之 賈淵

列傳第三十四 南齊書五十三

良政

傅琰 虞愿

劉懷慰 裴昭明

沈憲 李珪之

孔琇之

列傳第三十五 南齊書五十四

高逸

褚伯玉 明僧紹

顧歡 臧榮緒

何求 劉虬

庾易 宗測

南齊書目錄

十

唐世榮

杜京產 沈麟士

吳苞 徐伯珍

列傳第三十六 南齊書五十五

孝義

崔懷慎 公孫僧遠

吳欣之 韓係伯

孫淡 華寶

韓靈敏 封延伯

吳達之 王文殊

朱謙之

蕭睿明

樂頤

江泌

杜栖

陸絳

列傳第三十七

南齊書五十六

倖臣

紀僧真

劉係宗

茹法亮

呂文顯

呂文度

列傳第三十八

南齊書五十七

南書目錄

十一

魏虜

列傳第三十九

南齊書五十八

蠻

東南夷

列傳第四十

南齊書五十九

芮芮虜

河南氏羗

南齊書八紀十一志四十列傳合五十九篇梁

蕭子顯撰始江淹已爲十志沈約又爲齊紀而

子顯自表武帝別爲此書臣等因校正其訛謬

而敘其篇目曰將以是非得失興壞理亂之故

而爲法戒則必得其所託而後能傳於久此史

之所以作也然而所託不得其人則或失其意

或亂其實或析理之不通或設辭之不善故雖

有殊功建德非常之迹將闇而不章鬱而不發

而檮杌鬼瑣姦回慝之形可幸而掩也嘗試

論之古之所謂良史者其明必足以周萬事之

理其道必足以適天下之用其智必足以通難

知之意其文必足以發難顯之情然後其任可

得而稱也何以知其然邪昔者唐虞有神明之

性有微妙之德使由之者不能知之者不能

名以爲治天下之本號令之所布法度之所設

其言至約其體至備以爲治天下之具而爲二

典者推而明之所記者豈獨其迹邪并與其深

微無不盡也本末先後無

三十九

南齊書目錄

十三

元

不白也使誦其說者如出乎其時求其指者如即乎其人是可不謂明足以周萬事之理道足以適天下之用智足以通難知之意文足以發難顯之情者乎則方是之時豈特任政者皆天下之士哉蓋執簡操筆而隨者亦皆聖人之徒也兩漢以來爲史者去之遠矣司馬遷從五帝三王既歿數千載之後秦火之餘因散絕殘脫之經以及傳記百家之說區區掇拾以集著其善惡之迹興廢之端又創己意以爲本紀世家

三十九

南齊書目錄

十四

余文

宋齊梁陳後魏後周之書蓋無以議爲也子顯之於斯文喜自馳騁其更改破析刻彫藻績之變尤多而其文益下豈夫材固不可以強而有邪數世之史既然故其辭迹曖昧雖有隨世以就功名之君相與合謀之臣未有赫然得傾動天下之耳目播天下之口者也而一時偷奪傾危悖理反義之人亦幸而不暴著於世豈非所託不得其人故邪可不惜哉蓋史者所以明夫治天下之道也故爲之者亦必天下之材然後其任可得而稱也豈可忽哉豈可忽哉臣忝臣寶臣臣穆臣藻臣洙臣覺臣彥君臣輩謹敘目錄昧死上

本紀第一

南齊書一

臣蕭子顯撰

高帝上

太祖高皇帝諱道成字紹伯姓蕭氏小諱闡將漢相國蕭何二十四世孫也何子鄼定侯延生侍中彪彪生公府掾章章生皓皓生仰仰生御史大夫望之望之生光祿大夫育育生御史中丞紹紹生光祿勳闡闡生濟陰太守闡闡生吳郡太守永永生中山相苞苞生博士周周生蛇丘長矯

字失

南齊紀一

一

手

矯生州從事達達生孝康休休生廣陵府丞豹豹生太中大夫裔裔生淮陰令整整生即丘令儁儁生輔國參軍樂子宋昇明二年九月贈太常生皇考蕭何居沛侍中彪免官居東海蘭陵縣中都鄉中都里晉元康元年分東海爲蘭陵郡中朝亂淮陰令整整字公齊過江居晉陵武進縣之東城里寓居江左者皆僑置本土加以南名於是爲南蘭陵蘭陵人也皇考諱承之字嗣伯少有大志才力過人宗人丹陽尹墓之北充

南齊書紀一

二

馬

州刺史源之竝見知重初爲建威府參軍義熙中蜀賊譙縱初平皇考遷揚武將軍安固汶山二郡太守善於綏撫元嘉初徙爲威烈將軍濟南太守七年右將軍到彥之北伐大敗虜乘勝破青部諸郡國別帥安平公乙旃眷寇濟南皇考率數百人拒戰退之虜衆大集皇考使偃兵開城門衆諫曰賊衆我寡何輕敵之甚皇考曰今日懸守窮城事已危急若復示弱必爲所屠惟當見疆待之耳虜疑有伏兵遂引去青州刺史蕭思話欲委鎮保險皇考固諫不從思話失據潰走明年征南大將軍檀道濟於壽張轉戰班師滑臺陷沒兖州刺史竺靈秀抵罪宋文帝以皇考有全城之功手書與都督長沙王義欣曰諱理民直亦不在武幹後今擬爲兖州檀征南詳之皇考與道濟無事故事遂寢遷輔國鎮北中兵參軍自外郎十年蕭思話爲梁州刺史皇考爲其橫野府司馬漢中太守氏帥楊難當寇漢川梁州刺史甄法護棄城走思話至襄陽

南齊紀一

三

林

不進皇考輕軍前行攻氏偽魏興太守薛健於黃金山剋之黃金山張魯舊戍南接漢川北枕驛道險固之極健既潰散皇考即據之氏偽梁秦三州刺史趙溫先據州城聞皇考至退據小城薛健退屯下桃城立柴營皇考引軍與對壘相去二里健與偽馮翊太守蒲旱子悉力出戰皇考大破之健等閉營自守不敢出思話繼至賊乃稍退皇考進至峨公山為左衛將軍沙州刺史呂平大衆所圍積日建武將軍蕭汪之平

西督護段蚪等至表裏奮擊大破之難當又遣息和領步騎萬餘人夾漢水兩岸援趙溫攻逼皇考相拒四十餘日賊皆衣犀甲刀箭不能傷皇考命軍中斷薪長數尺以大斧槌其後賊不能當乃焚營退皇考追至南城衆軍自後而進連戰皆捷梁州平詔旨諱稟命先驅蒙陰深入全軍屢剋奮其忠果可龍驤將軍隨府轉寧朔司馬太守如故入為太子屯騎校尉文帝以平氏之勞青州鈇將欲授用彭城王義康秉政皇

南齊紀一

四

林

考不附乃轉為江夏王司徒中兵參軍龍驤將軍南泰山太守封晉興縣五等男邑三百四十戶遷右軍將軍元嘉二十四年殂年六十四梁土民思之於峨公山立廟祭祀昇明二年贈散騎常侍公崔光祿大夫太祖以元嘉四年丁卯歲生姿表英異龍顏鍾聲鱗文遍體儒士雷次宗立學於鷄籠山太祖年十三受業治禮及左氏春秋十七年宋大將軍彭城王義康被黜鎮豫章皇考領兵防守太祖舍業南行十九年竟陵蠻動文帝遣太祖領偏軍討沔北蠻二十一年伐索虜至丘檻山竝破走二十三年雍州刺史蕭思話鎮襄陽啓太祖自隨戍沔北討樊鄧諸山蠻破其聚落初為左軍中兵參軍二十七年索虜圍汝南戍主陳憲臺遣寧朔將軍臧質安蠻司馬劉康祖救之文帝使太祖宣旨授節度聞虜主拓跋肅尚彭城質等回軍救援至盱眙太祖與質別軍主胡宗之等五軍步騎數千人前驅肅已潛過淮卒相遇於荒山下合戰敗

績緣淮奔退宗之等皆陷沒太祖還就質圍守
 爲虜所攻圍甚危急事寧還京師二十九年領
 偏軍征仇池梁州西界舊有武興成晉隆安中
 沒屬氏武興西北有蘭臯戎去仇池二百里太
 祖擊二壘皆破之遂從谷口入關未至長安八
 十里梁州刺史劉秀之遣司馬馬注助太祖攻
 談堤城拔之虜僞河間公奔走虜救兵至太祖
 軍力疲少又聞文帝崩乃燒城還南鄭襲爵
 晉興縣五等男孝建初除江夏王司馬參軍隨
 王卷一 南齊書紀一 五 石邑
 府轉太宰遷貢外郎直閣中書舍人西陵王撫
 軍參軍建康令新安王子鸞有盛寵簡選僚佐
 爲北軍中郎中兵參軍陳太后憂起爲武烈將
 軍復爲建康令中兵如故景和世除後軍將軍
 值明帝立爲右軍將軍時四方反叛會稽太守
 尋陽王子房及東諸郡皆起兵明帝加太祖輔
 國將軍率衆東討至晉陵與賊前鋒將程捍孫
 曇瑾等戰一日破賊十二壘分軍定諸縣晉陵
 太守表標奔城走東境諸城相繼奔散徐州刺

史薛安都反彭城從子索兒寇淮陰山陽太守
 程天祚舉城叛徐州刺史申令孫又降徵太祖
 討之時太祖平東賊還又將南討出次新亭前
 軍已發而索兒自睢陵渡淮馬步萬餘人擊殺
 臺軍主孫耿縱兵逼前軍張永營告急明帝聞
 賊渡遽追太祖往救之屯破釜索兒向鍾離永
 遣寧朔將軍王寬據盱眙遏其歸路索兒擊破
 臺軍主高道慶走之於石鼈將西歸王寬與軍
 主任農夫先據白鵠澗張永遣太祖馳督寬索
 兒東要擊太祖使不得前太祖鼓行結陣直入
 寬壘索兒望見不敢發經數日索兒引軍頓石
 梁太祖追之至葛冢候騎還云賊至太祖乃頓
 軍引管分兩馬軍夾營外以待之俄頃賊馬步
 奄至又推火車數道攻戰相持移日乃出輕兵
 攻賊西使馬軍合擊其後賊衆大敗追奔獲其
 器械進屯石梁澗北索兒夜遣千人來斫營營
 中驚太祖卧不起宣令左右案部不得動須臾
 賊散太祖議欲於石梁西南高地築壘通南道

三九四

南齊紀一

七

王手

斷賊走路索兒果來爭之太祖率軍擊破之賊馬自相踐藉死索兒走向鍾離太祖追至黯黯而還除驍騎將軍封西陽縣侯邑六百戶遷巴陵王衛軍司馬隨鎮會稽江州刺史晉安王子勛遣臨川內史張淹自鄱陽嶠道入三吳臺軍主沈思仁與偽龍驤將軍任皇鎮西參軍劉越緒各據險相守明帝遣太祖領三千人討之時朝廷器甲皆充南討太祖軍容寡闕乃編糞皮為馬具裝折竹為寄生夜舉火進軍賊望見恐懼未戰而走還除桂陽王征北司馬南東海太守行南徐州事初明帝遣張永沈攸之以衆喻降薛安都謂太祖曰吾今因此北討卿意以為何如太祖對曰安都才識不足狡猾有餘若長繼緩御則必遣子入朝今以兵逼之彼將懼而為計恐非國之利也帝曰衆軍猛銳何往不剋卿每杖策幸勿多言安都見兵至果引索虜永等敗於彭城淮南孤弱以太祖為假冠軍將軍持節都督北討前鋒諸軍事鎮淮陰泰始三年

南齊紀一

八

沈攸之吳喜北敗於睢口諸城戍大小悉奔歸虜遂退至淮北圍角城戍主賈法度力弱不敵諸將勸太祖渡岸救之太祖不許遣軍至高道慶將數百張弩浮艦淮中遙射城外虜弩一發數百箭俱去虜騎相引避之乃命進戰城圍即解遷督南兖徐二州諸軍事南兖州刺史持節假冠軍督北討如故五年進督兗青冀三州六年除黃門侍郎領越騎校尉不拜復授冠軍將軍留本任明帝常嫌太祖非人臣相而民間流言云蕭諱當為天子明帝愈以為疑遣冠軍將軍吳喜以三千人北使令喜留軍破釜自持銀壺酒封賜太祖太祖戎衣出門迎即酌飲之喜還帝意乃悅七年徵還京師部下勸勿就徵太祖曰諸卿闇於見事主上自誅諸弟為太子稚弱作萬歲後計何關佗族惟應速發事緩必見疑今骨肉相害自非靈長之運禍難將與方與卿等勦力耳拜散騎常侍太子左衛率時世祖以功當別封賴縣太祖以一門二封固辭不受

南齊紀一

九

石昌

詔許之加邑二百戶明帝崩遺詔爲右衛將軍領衛尉加兵五百人與尚書令袁粲護軍褚淵領軍劉劭共掌機事又別領東北選事尋解衛尉加侍中領石頭戍軍事明帝誅袁粲戚江州刺史桂陽王休範以人凡獲全及蒼梧王立更有窺竄之望密與左右閹人於後堂習馳馬招聚亡命元徽二年五月舉兵於尋陽收略官民數日便辦衆二萬人騎五百匹發盆口悉乘商旅船舫大雷戍主杜道欣鵠頭戍主劉德言期告

變朝廷惶駭太祖與護軍褚淵征北張永領軍劉劭僕射劉秉游擊將軍戴明寶驍騎將軍阮佃夫右軍將軍王道隆中書舍人孫千齡負外郎楊運長集中書省計議莫有言者太祖曰昔上流謀逆皆因淹緩至於覆敗休範必遠懲前失輕兵急下乘我無備今應變之術不宜念遠若偏師失律則大沮衆心宜頓新亭白下堅守官掖東府石頭以待賊千里孤軍後無委積求戰不得自然瓦解我請頓新亭以當其鋒征北

南齊紀一

十

董

可以見甲守白下中堂舊是置兵地領軍宜屯宣陽門爲諸軍節度諸貴安坐殿中右軍諸人不須競出我目前驅破賊必矣因索筆下議竝注同中書舍人孫千齡與休範有密契獨曰宜依舊遣軍據梁山當顯間右衛若不出白下則應進頓南州太祖正色曰賊今已近梁山豈可得至新亭既是兵衝所以欲死報國耳常曰乃可屈曲相從今不得也座起太祖顧謂劉劭曰領軍已同鄙議不可改易乃單車白服出新亭

加太祖使持節都督征討諸軍平南將軍加鼓吹一部治新亭城壘未畢賊前軍已至太祖方解衣高卧以安衆心乃索白虎幡登西垣使寧朔將軍高道慶羽林監陳顯達員外郎王敬則浮舸與賊水戰自新林至赤岸大破之燒其船艦死傷甚衆賊步上新林太祖馳使報劉劭急開大小桁撥淮中船舫悉渡北岸休範乘肩輿率衆至壘南上遣寧朔將軍黃回馬軍主周盤龍將步騎出壘對陣休範分兵攻壘東短兵接

戰自己至午衆皆失色太祖曰賊雖多而亂尋破也楊運長領三齊射手七百人引彊命中故賊不得逼城未時張敬兒斬休範首太祖遣隊主陳靈寶送首還臺靈寶路中遇賊軍埋首道側臺軍不見休範首愈疑懼賊衆亦不知休範已死別率杜黑蠡急攻臺東司空主簿蕭惠朗數百人突入東門叫噪至堂下城上守門兵披退太祖挺身上馬率數百出戰賊皆推楯而前相去數丈分兵橫射太祖引滿將發左右

三百五十四

南齊書紀一

士

陳壽

將戴仲緒舉楯扞之箭應手飲羽傷百餘人賊死戰不能當乃却衆軍復得保城與黑蠡拒戰自晡達明旦矢石不息其夜大雨鼓叫不復相聞將士積日不得寢食軍中馬夜驚城內亂走太祖秉燭正坐厲聲呵止之如此者數四賊帥丁文豪設伏破臺軍於阜茨橋直至朱雀桁劉劭欲開桁王道隆不從劭及道隆並戰沒初劭高尚其意託造園宅名爲東山頗忽世務太祖謂之曰將軍以顧命之重任兼内外主上春秋

未幾諸王竝幼冲上流聲議遐邇所聞此是將軍艱難之日而將軍深尚從容廢省羽翼一朝事至雖悔可追劭竟不納賊進至杜姥宅車騎典籤茅恬開東府納賊冠軍將軍沈懷明於石頭奔散張永潰於白下宮內傳新亭亦陷太后執蒼梧王手泣曰天下敗矣太祖遣軍主陳顯達任農夫張敬兒周盤龍等從石頭濟淮間道從承明門入衛官闕休範既死典籤許公與詐稱休範在新亭士庶惶惑詣臺投名者千數太

三百五十五

南齊書紀一

士

宋嘉

祖隨得輒燒之乃列兵登城北謂曰劉休範父子先昨皆已即戮屍在南岡下身是蕭平南諸君善見觀君等名皆已焚除勿有懼也臺分遣衆軍擊杜姥宅宣陽門諸賊皆破平之太祖振旅凱入百姓緣道聚觀曰全國家有此公也太祖與袁粲褚淵劉秉引袂解職不許遷散騎常侍中領軍都督南兖徐青冀五州軍事鎮軍將軍南兖州刺史持節如故進爵爲公增邑二千戶太祖欲分其功請益粲等戶更日入直決事號

為四貴秦時有太后穰侯涇陽高陵君稱為四貴至是乃復有焉四年加太祖尚書左僕射本官如故休範平後蒼梧王漸行凶暴南徐州刺史建平王景素少有令譽朝野歸心景素亦潛為自全之計布款誠於太祖太祖拒而不納七月羽林監袁祗奔景素便舉兵太祖出屯玄武湖遣眾軍北討事平乃還太祖威名既重蒼梧王深相猜忌幾加大禍陳太妃罵之曰蕭諱有功於國今若害之後誰復為汝著力者乃止太

三十四

南齊紀一

十三

李道

祖密謀廢立五年七月戊子帝微行出北湖常單馬先走羽儀禁衛隨後追之於堤塘相蹈藉左右張互兒馬墜湖帝怒取馬置光明亭前自馳騎刺殺之因共屠割與左右作羌胡伎為樂又於蠻岡賭跳際夕乃還仁壽殿東阿甌屋中寢語左右楊玉夫伺織女度報我時殺害無常人懷危懼玉夫與其黨陳奉伯等二十五人同謀於甌屋中取千牛刀殺蒼梧王稱敕使廂下奏使因將首出與王敬則敬則送太祖太祖夜

從承明門乘常所騎赤馬入殿內驚怖既知蒼

梧王死咸稱萬歲及太祖踐阼號此馬為龍驤

將軍世謂為龍驤赤明日太祖戎服出殿庭槐

樹下召四貴集議太祖謂劉秉曰丹陽國家重

戚今日之事屬有所歸秉讓不當太祖次讓袁

粲粲又不受太祖乃下議備法駕詣東城迎立

順帝於是長刀遮粲秉等各失色而去甲午太

祖移鎮東府與袁粲褚淵劉秉各甲仗五十人

入殿丙申進位侍中司空錄尚書事驃騎大將

三十四

南齊書紀一

十四

宋通

軍持節都督刺史如故封竟陵郡公邑五千戶給油幢絡車班劍三十人太祖固辭上台即驃騎大將軍開府儀同三司庚戌進督南徐州刺史封楊玉夫等二十五人爵邑各有差十月戊辰又進督豫司二州初荊州刺史沈攸之與太祖於景和世同直殿省申以歡好以長女義興公主妻攸之第三子元和攸之為郢州值明帝晚運陰有異圖自郢州遷為荊州聚斂兵力將吏逃亡輒討質隣伍養馬至三千餘匹皆分賦

三言五

南齊書一

圭

何昇

成選將士使耕田而食廩財悉充倉儲荊州作部歲送數千人仗攸之割留簿上供計四山蠻裝治戰艦數百千艘沈之靈溪裏錢帛器械巨積朝廷畏之高道慶家在華容假還過江陵道慶素便馬攸之與宴飲於聽事前合馬樂道慶槊中破攸之馬鞍攸之怒索刃樂道慶馳馬而出還都說攸之反狀請三千人襲之朝議慮其事難濟太祖又保持不許太祖既廢立遣攸之子司徒左長史元琰賁蒼梧王諸虐害器物示之攸之未得即起兵乃上表稱慶并與太祖書推功攸之有素書十數行常韜在袖襠角云是明帝與已約誓十二月遂舉兵其妾崔氏許氏諫攸之曰官年已老那不爲百口計攸之指袖襠角示之稱太后令召已下都宗師恐懼乙卯太祖入居朝堂命諸將西討平西將軍黃回爲都督前驅前湘州刺史王蘊太后兄子少有膽力以父指名官不達欲以將途自奮每撫刀曰龍淵太阿汝知我者叔父景文誠之曰阿答汝

三言五

南齊書一

十六

何昇

滅我門戶蘊曰答與童烏貴賤覺異童烏景文子綯小字答蘊小字也蘊遭母喪罷任還至已陵停舟一月日與攸之密相交構時攸之未便舉兵蘊乃下達郢州世祖爲郢州長史蘊期世祖出弔因作亂據郢城世祖知之不出蘊還至東府前又期太祖出太祖又不出弔再計不行外謀愈固司徒袁粲尚書令劉秉見太祖威權稍盛慮不自安與蘊及黃回等相結舉事殿內宿衛主帥無不協同攸之反問初至太祖往石頭與粲謀議粲稱疾不相見剋壬申夜起兵據石頭劉秉恇怯晡時從丹陽郡載婦女入石頭朝廷不知也其夜丹陽丞王遜告粲從弟領軍韜及直閣將軍卜伯興等嚴兵爲內應太祖命王敬則於宮內誅之遣諸將攻石頭王蘊將數百精手帶甲赴粲城門已閉官軍又至乃散衆軍攻石頭斬粲劉秉走雒陽湖湘逃聞場並禽斬之粲位任雖重無經世之略疎放好酒步屣白楊郊野閒道遇一士大夫便呼與酣飲明日此

人謂被知顧到門求通榮曰昨飲酒無偶聊相要耳竟不與相見嘗作五言詩云訪迹雖中宇循寄乃滄州蓋其志也劉秉少以宗室清謹見知孝武世秉弟遐坐通嫡母殷氏養女殷云口中血出眾疑行毒害孝武使秉從弟祗諷秉啓證其事秉曰行路之人尚不應介今日適可門同盡無容奉敕眾以此稱之故爲明帝所任蒼梧廢秉出集議於路逢弟韞韞開車迎問秉曰今日之事固當歸兄邪秉曰吾等已讓領軍矣

三六

南齊紀一

七

七

韞槌臂曰君肉中詎有血衆典籤莫嗣祖知衆謀太祖召問嗣祖索謀反何不啓聞嗣祖曰事主義無二心雖死不敢泄也蘊嬖人張承伯藏匿蘊太祖竝赦而用之黃回頓新亭聞石頭鼓噪率兵來赴之朱雀航有戍軍受節度不聽夜過會石頭已平因稱救援太祖知而不言撫之愈厚遣回西上流涕告別太祖屯閱武堂馳結軍旅閏月辛丑詔假黃鉞率大衆出屯新亭中興堂治嚴築壘教曰河南稱慈諒由掩虧廣

漢流仁實存殯朽近表製茲營崇濫沒斷古墟曩隄時有湮移深松茂草或致刊薙憑軒動懷巡隄增愴宜竝爲收改葬并設薄祀

二年正月沈攸之攻郢城不剋衆潰自經死傳首京邑丙子太祖旋鎮東府二月癸未進太祖太尉增封三千戶都督南徐南兗徐兗冀司豫荆雍湘郢梁益廣越十六州諸軍事太祖解驃騎辭都督不許乃表送黃鉞三月己酉增班劔爲四十人甲仗百人入殿丙子加羽葆鼓吹

三百九

南齊書紀一

六

王泰

餘竝如故辛卯太祖誅鎮北將軍黃回大明泰始以來相承奢侈百姓成俗太祖輔政罷御府省二尚方諸飾玩至是又上表禁民間華僞雜物不得以金銀爲箔馬乘具不得金銀度不得織成繡裙道路不得著錦履不得用紅色爲幘蓋衣服不得剪綵帛爲雜花不得以綾作雜服飾不得作麀行錦及局脚檉柏床牙箱籠雜物綵帛作屏郵錦緣薦席不得私作器仗不得以七寶飭樂器又諸雜漆物不得以金銀爲花獸

不得輒鑄金銅爲像皆湏墨敕凡十七條其中
官及諸王服用雖依舊例亦請詳衷九月丙午
進位假黃鉞都督中外諸軍事太傅領揚州牧
劔履上殿入朝不趨贊拜不名置左右長史司
馬從事中郎掾屬各四人使持節太尉驃騎大
將軍錄尚書南徐州刺史如故固辭詔遣勸
乃受黃鉞殊禮甲寅給三望車

三年正月乙巳太祖表蠲百姓逋負丙辰加前
部羽葆鼓吹丁巳命太傅府依舊辟召丁卯給

三百九

南齊紀一

九

吳明

太祖甲仗五百人出入殿省甲午重甲前命劔履
上殿入朝不趨贊拜不名三月甲辰詔進位相
國摠百揆封十郡爲齊公備九錫之禮加璽綬
遠遊冠位在諸侯王上加相國綠綬綬其驃騎
大將軍揚州牧南徐州刺史如故太祖三讓公
卿勸固請乃受甲寅策相國齊公曰天地變
通莫大乎炎涼懸象著明莫崇乎日月嚴冬播
氣貞松之操自高光景時昏者華之暎彌顯是
故英睿當亂而不移忠賢臨危而盡節自景和

三百十四

南齊紀一

二十

吳宗

昏虐王綱弛紊太宗受命紹開中興運屬屯難
四郊多壘蕭將軍震威華戎寔資義烈康國
濟民於是乎在朕以不造夙罹閔凶嗣君失德
書契未紀威侮五行虔劉九縣神歆靈繹海水
群飛羣器已塵宗極誰主綴旒之殆未足爲譬
豈直小宛興刺恭離作歌而已哉天贊皇宋實
啓明宰爰登寡昧纂承大業鴻緒再維閔基重
造高勲至德振古絕倫昔保衡翼殷博陸匡漢
方斯蔑如也今將授公典禮其勸聽朕命乃者
表劉構禍寔繁有徒子房不巨稱兵協亂跨踞
五湖憑陵吳越浮侵虧辰沈氛晦景桴鼓振於
王畿鋒鏑交乎天邑顧瞻宮掖將成茂草言念
邦國翦爲仇讎當此之時人無固志公投袂殉
難超然奮發執金板而先馳登寶車而戒路軍
政端嚴卒乘輯睦麾鉞臨凶黨冰泮此則霸
業之基勤王之始也安都背叛竊據徐方敢率
犬羊陵虐淮潯索兒愚悖同惡相濟天祚無象
背順歸逆北鄙黔黎奄墜塗炭均人廢職邊師

告警公受命宗初精貫朝日擁節和門氣踰霄漢破釜捷斬敵野石梁之戰禽其渠帥保境全民江陽即序此又公之功也張淹迷昧弗顧本朝受自南區志圖東夏潛軍間入竊覲不虞于時江服未夷皇塗荐阻公忠誠慷慨在險彌亮深識九變妙察五色以寡制衆所向風偃朝廷無東顧之憂閩越有來蘇之慶此又公之功也匈奴野心侵掠疆場前師失律王旅崩撓灑血成川伏尸千里醜羯俯張勢振彭泗乘勝

南齊紀一

二十二

長驅窺覲京甸冠帶之軌將湮被髮之容行及公奉辭伐罪戒旦晨征兵車始交氛祲時蕩弔死撫傷弘宣皇澤俾我淮肥復沾盛化此又公之功也自茲厥後獫狁孔熾封豕長蛇重窺上國而世故相仍師出日老戰士無臨陣之心戎卒有懷歸之思是以下邳精甲望風振恐角城高壘指日淪陷公春言手事發憤忘食躬擐甲冒視險若夷短兵纔接巨猾鳥散分疆畫界開創青兗此又公之功也泰始之末入參禁旅任

兼軍國事同顧命桂陽負衆輕問九鼎裂冠毀冕拔本塞源入兵萬乘之國頓戰象魏之下烈火焚於王城飛矢集平君屋機變倏忽終古莫二羣后憂惶元戎無主公按劔疑神則奇謀貫世秉旄指麾則懦夫成勇曾不崇朝新亭獻捷信宿之間宣陽底定雲霧廓清區宇康乂此又公之功也皇室多難疊起戚蕃邦晉應韓翻為讎敵逆平失圖興兵內侮公又指授六師義形乎色役未踰旬朱方寧晏此又公之功也蒼梧

南齊書一

二十二

肆虐諸憂糜沸淫刑以逞誰則無罪火炎崐岡玉石俱焚黔首相悲朝不謀夕高祖之業已淪大明之軌誰嗣公遠稽殷漢之義近遵魏晉之典猥以眇身入奉宗祏七廟清謚九區反政此又公之功也素餐無質劉秉攜貳韜述相扇成此亂階醜圖潛構危機竊發據有石頭志犯應路公神謀內運霜鋒外舉妖沴載澄國塗悅穆此又公之功也沈攸之苞禍歲月滋彰蜂目豺聲阻丘安忍哀彼荆漢獨為匪民乃眷西顧緬同

異域而經綸維始九伐未申長惡不悛遂逞凶逆驅合姦回勢過虢虎朝野憂疑三軍沮氣公秉鉞出關疑威江甸正情與暎日同亮明略與秋雲競爽至義所感人百其心鼗鼓一麾夏首寧謐雲梯未舉魯山剋定積年逋誅一朝顯戮沮浦安流章臺順軌此又公之功也公有濟天下之勲重之以明哲道庶生民志匡宇宙勦力肆心劬勞王室自東徂西靡有寧晏險阻艱難備嘗之矣若乃締構宗稷之勤造物資始之澤

三

南齊書紀一

二十三

王明

雲布霧散光被六幽弼予一人永清四海是以秬草騰芳於郊園景星垂暉於清漢遐方款關而慕義荒服重譯而來庭注哉邈乎無得而名焉朕聞疇庸表德前王盛典崇樹侯伯有國攸同所以文命成功玄珪顯錫姬旦秉哲曲阜啓蕃或改玉以弘風或胙土以宣化禮絕常班寵冠羣辟爰逮桓文車服異數惟公勲業超於先烈而褒賞闕於舊章古今之道何其爽歟靜言欽歎良有缺然今進授相國以青州之齊郡徐

州之梁郡南徐州之蘭陵魯郡琅邪東海晉陵義興揚州之吳郡會稽凡十郡封公爲齊公錫茲玄土苴以白茅定爾邦家用建冢社斯實尚父故蕃世作盟主紀綱侯甸率由舊則往者周邵建國師保兼任毛畢執珪入作卿士內外之寄同規在昔命使持節兼太尉侍中中書監司空衛將軍寧都縣開國侯淵授相國印綬齊公璽紱持節兼司空副守尚書令僧虔授齊公茅土金虎符第三至第五左竹使符第一至第十左

南齊書紀一

二十四

景

相國位摠百辟秩踰三鉉職以禮移號隨事革其以相國摠百辟去錄尚書之稱送所假節侍中貂蟬中外都督太傅太尉印綬竟陵公印策其驃騎大將軍揚州牧南徐州刺史如故又加公九錫其敬聽後命以公秉禮弘律儀刑區宇遐邇一體民無異業是用錫公大輅戎輅各一玄牡二駟公崇脩南畝所寶惟穀王府充實百姓繁阜是用錫公衮冕之服赤舄副焉公居身以謙導物以義鎔鈞庶品罔不和悅是用錫公